

四庫全書

子部

欽定四庫全書

靈臺秘苑卷二

北周 庾季才 原撰

宋 王安禮等 重修

星總

中宮紫微北極五星其末曰紐星天之樞所謂北辰者也古者以為三光列象隨天而轉而紐星不移自梁祖景燦以儀側定不動處猶在紐星之末一度餘今曰去極者距不動處也以東一星曰太子二星赤明曰帝太

乙之座也三曰庶子主五行又主後宮之屬四曰后
輔所以出度授政而佐萬幾也北六星曰鈞陳正妃
大帝之所居又為大司馬護軍又為三公三師勾陳口
中一星曰天星大帝主御羣靈執萬神圖所謂耀魄寶
是也上十六星華蓋其七曰蓋其九曰杠所以覆蔽
大帝之座上九星曰傳舍近河賓客之館亦為驛亭
前六星曰閣道遊幸別宮之路從紫宮至河其神所
乘亦所以捍難滅咎又曰王良旗亦曰紫宮旗所以旌

蔽帝座也蓋下五星曰五帝座集議之所宸扆之居
杠東六星曰六甲所以出入省察布政教而敬授民時
分陰陽而紀節候 陳東四星曰女御又妻之象也座
東南五星曰天柱象緯也太子東五星曰尚書主詔謀
出納故有尚書之象太子南二星曰陰德主施惠賑濟
又東南二星曰天理刑獄之官 近尚書一星曰柱下
史以北一星曰女史主記禁傳漏婦人之微者漢之
侍史也 此外十五星垣牆也一曰天營一曰旗星又

曰長垣東八西七東西布列環衛之臣主出命度中間南向如門者閭闔也東蕃近門一星曰左驂樞次上宰少宰次上弼少弼次上衛次少衛又少丞其門西近一星曰右驂樞次少尉次上輔少輔次上衛少衛次上丞南門六星曰天床解息休之寢舍也門外右樞西一星曰天乙大帝之臣也承天運化治十二將司戰鬪之吉凶以西一星曰太乙天帝之神主承天運化使十六神知風雨水旱兵革饑饉疾疫災害少尉南二星曰

內厨主宮中飲膳之事 少輔東北六星曰天厨主盛饌 近少尉九星如鈎星主輿輦車飾 天厨東南七星曰扶筐盛桑之器為后妃桑蠶之事 北斗并輔八星在太微北七政之樞機陰陽之元本運乎天中臨制四方故有常輦車之象建四時均五行為號令之主故有人君之象一至四為魁曰璇璣五至七為柄曰玉衡 初一天樞正星陽德天子之象天主日為秦次天璇法星陰刑女主之象主月為楚次天機金星為人主禍害

主火為梁次天權曰伐無道主水為吳次玉衡殺星為
文昌為中央音助四旁殺有罪主土為趙次闔陽危星
為律主天倉五谷主土為燕次搖光部星亦曰應星為
呂輔星附于闔陽佐斗以成功有成相之象主齊魁中
四星曰天理貴人之宰執法之官 魁上三星曰三師
三公太師等象主宣政化而和陰陽 魁前六星曰文
昌主集計天下事務天之六府也近階一星曰上將大
將軍建威武次曰尚書正左右次曰貴相太常卿理文

緒次曰司祿司中司隸賞功進士次曰司命司怪太史
主減咎次曰司空大理佐寶北六星曰內階大帝升降
之階 傳舍西北八星曰八谷一稻二黍三大麥四小
麥五大豈六小豈也七粟八麻以候歲之豐歉 近王
良一星曰策主執御策天子僕也 天牢六星在旋西
絕憊禁貴人之牢也魁西南一星曰勢內侍之官助宣
王命 斗南一星曰天相乃宰相之象 次西一星太
陽守大丞相之象主戒不虞設武備也 杓南三星曰

三公太尉司空司徒象也奉宣德化變理陰陽佐樞機也杓東三星曰天槍在紫宮又天之武備所以禦難也次東五星曰天棓天子先驅也主忿爭刑罰藏兵禦難非常也其外布為列舍

右紫微垣

十星曰太微在翼北天子之庭五帝座十二諸侯之府主于衡衡平也又為天庭理法辭監計授德列宿受符諸神考節舒情稽疑也其外蕃九卿也東西蕃各五星

南蕃中三門曰端門東曰左執法廷尉之象西曰右執法御史大夫之象執法所以刺舉凶奸也左執法門東曰左掖門右執法西曰右掖門東蕃東近執法曰上相其北東太陰門也次曰次相中華東門次曰次將其北東太陽門也次曰上將所謂四輔也西蕃近右執法曰上將其北西太陰門也次曰次將其北中華西門次曰次相其北西太陽門也次曰上相四輔也內屏四星在右執法旁在端門內所以擁蔽內帝庭主刺舉也 五

帝座五星中曰黃帝含樞紐東曰蒼帝靈威仰南曰赤
帝赤熛怒西曰白帝白招炬北曰黑帝叶光紀 北一
星曰太子帝儲也 一曰幸臣見親愛之臣侍太子也
一曰從官侍臣也 中一星曰謁者主贊賓客釋疑
惑 次三公三星內附朝會之所居也為輔弼之臣
東三星曰九卿內佐天子而治萬事其在官九寺卿
又五星曰五諸侯內侍天子之國主刺奸邪 郎位十
五星在帝座東北守衛之司依烏郎府也漢光祿三省

是其職也 又東北七星曰常陳宿衛虎賁之士所以

設強毅也 東北一星曰郎將所以為武備主宿衛之

官 西上一星曰虎賁侍衛之武士也

自太微至此元本在平星之下

三台六星在軒轅上兩兩而居起文昌抵太微一曰

天柱三公之位主開德宣符也近文昌二星曰上台為

司命主壽次二星曰中台為司中主宗室東二星曰下

台為司祿主兵所以昭德塞違也三台為天階又曰太

乙躡以下上階上星天子下星女后中階上星公侯下

星卿大夫下階上星為士下星為庶人所以和陰陽而理萬物也 中台北一星曰大中尊貴戚也

三台大尊元本在東

下

翼北三星曰明堂布政之宮西北三星曰靈臺觀

臺也專察妖祥

二星元本右翼下

左角少東四星曰長垣主邊

戍城邑

次北四星曰少微為處士又為大夫亦女后

之象及太史博士之官一曰主衛掖門第一星處士第

二星議士次博士次大夫

長垣元本在少微酒旗下

右太微垣

天市垣東西各十一星西列于氐東入于斗在房心東北國市也民衆交易之所東垣南第一星宋南海燕東海徐吳越齊中山九河趙魏西南第一星曰韓楚梁巴蜀秦周鄭晉河間河中垣南門近東六星曰市樓也市有也主市賣交易律令制度市樓西二星曰車肆百貨貿易之肆帝座一星在天市中北天之庭也神農之所居帝座西南四星曰宦者侍主之近臣也帝座東南一星曰候星輔弼之臣也主伺候陰陽又東南

二星曰宗正司宗室之官也 其正東四星曰宗人主
錄親疎享祭祀 其北二星曰宗星主宗族遠近也

北二星曰帛度主度量買賣貿易 西四星曰斛主度

量分銖之數 北五星曰斗主斗量也 斛西二星曰

列肆主貨金玉璇璣 天紀九星在天市上主理冤訴

為萬物之紀綱九卿之象 上三星曰女床御女侍從

也

天紀女床元
本在龜下

梗河東九星曰貫索一曰連營一曰天

牢賤人牢也橫列七星曰七公主議政化以見善惡

三公之象

貫索七公元
在西咸下

右天市垣

角二星左為天田右為天津主刑理其南為太陽道右
為天門為將主兵其北為太陰道為天闕其內為天庭
七曜之所行黃道經其中蓋天之三門猶房之四表也
日月之行黃道黃道所經為天闕或曰天階三光之庭
房與東井天街天闕南北河其說畧同然黃道歲久遷
變占天者當察其所在而詳審焉角為壽星蒼龍角也

主造化飛龍之所星明盛布東方蒼龍角亢也其間二星名曰平道主除道路平道路之官也

西一星曰進賢主卿相舉賢能 右角北二星曰天田

畿內之田亦為籍田主疆界 天田北三星曰右攝提

說見亢宿又北三星曰周鼎主流亡國之神器也秦無道周

鼎淪於泗水其精應于上 左角南二星曰天門朝聘

待士之所又南二星曰平星主執法平刑以興獄 陽

門二星

說見元宿下

南二十九星曰庫樓藏兵之府也

曲者為庫西南四星方斜者為樓其十五星三者相聚
柱也中四小星衡也又中大者陳兵南二星曰南門
天子之外門主守兵禁亢四星總理天下卿大夫之
法治猶尚書又主病又為疏廣六星亢池

說見氏宿下

上一星大角在攝提間為天之紀綱棟梁天王座也

天田北三星曰右攝提主建時節問機祥左亦如之

提攝

元在天
四下

兩攝提各三星夾大角直斗柄之南上三

星曰帝席北三星曰梗河又西北一星曰招搖北一星

曰天戈

並說見
氏宿下

亢南七星曰折威主斬殺以斷軍獄

其南二星曰頓頑主考察囚情治獄官也 陽門二

星主執兵器以戍邊

陽門元在
平星下

氏四星休解之所后

妃之府也前二星曰適後二星曰妾又為天根主宮室

正妃 東北二星曰天乳主飴饋之事 六星亢池主

舟濟渡

亢池元在
亢宿下

上三星曰帝席宴樂獻酌之所 北

三星曰梗河一名天鋒亦名天楯主矛鋒以備不虞亦

主寇兵又為喪事 又西北一星曰招搖主矛盾及寇

兵北一星曰天戈主匈奴

以上元並
在亢宿下

氐南三星曰

陣車主兵革之事

又南二十七星曰騎官南三星

曰車騎主部列行陣車騎之事

房四星為明堂布政

之宮亦四輔也上將次次將次次相所以理陰陽正教

化南二星若位北二星夫人位又為四表中間黃道所

以行為天衢又為天關南間曰陽環其南曰太陽北間

曰陰環其北曰太陰亦曰天廐又為天駟亦曰天馬主

車駕南一星曰左驂次左股次右股次右驂主開閉蓄

藏之所 房北星東南二小星曰鈞鈴附于房天之管

鑰主開閉蓄藏輔弼之象 以東北一星曰鍵閉主管

鑰開閉之事 北四星曰西咸以防淫泆房之戶也

梗河東九星曰貫索橫列七星曰七公

貫索七公并說見天市垣

道前一星曰日所以昭明令德太陽之精也 其西南

二星曰天輻主鑾駕乘輿之事 房下二星曰從官主

醫巫病疾禱祝之事 其南十二星曰積卒

說見心宿下

心北四星曰東咸占如西咸 又北二星曰罰主罰之

事 心三星天王之正位為大辰主賞罰中央曰明堂

天子也前星曰太子後星曰庶子

東咸罰

說見房宿下

從

宿南十二星曰積卒掃除不祥軍卒衛士之象

此元在從官下

尾九星曰九子星所謂昇龍之尾蓋陰陽之交泰風

雨之乘興上第一星后也次三星夫人也其次嬪妾為

后妃之官府又主君臣 神宮一星在尾西第二星傍

為附座解衣之內室也 其南五星曰龜主贊神明定

吉凶龜卜也

天紀女床

說見天市垣

南四星曰天江主

太陰 後一星曰傳說傳說巫祝之官主祝神靈以祈
繼嗣 東一星曰魚主雲雨風氣 箕四星亦曰天津
亦曰天鵝後宮之府嬪妃之象又主八風又主口舌鬬
夷將動先表箕焉 箕舌前一星曰糠粃以給泰養

天籥

說見
斗宿

箕南三星曰杵主春以給庖厨

右東方七宿

南斗六星元龜之首亦為天廟宰相之位主褒賢進士
稟授爵祿故斗為量器所以斟酌而授爵也又曰兵亦

2/10/2010

南二星曰狗國主三韓鮮卑烏桓獫狁之屬 東十

星曰天淵為天泉天海太陰主灌溉之事 天弁九星

武官之長也

織女漸臺輦道

並說見牛宿

奚仲

說見女宿

八

星曰天籥

一曰在南斗柄西箕北

主開閉鎖籥也

元在轸下

牽牛六

星為天關梁主犧牲亦曰天鼓主四足蟲其大星牛星

上一星道路次二主關梁次三星主南越 東三星曰

羅堰主醵蓄灌溉之事亦為拒馬 南九星曰天田畿

內之田亦主農器 北四星曰天桴主刻漏桴鼓之事

上三星曰河鼓主軍鼓鈇鉞一曰三武中央大星大將軍左右星左將軍右北星右將軍皆以守險拒難也

東北九星曰左旗西南九星曰右旗皆天之旗鼓為

經表主音聲設險以知敵謀

織女三星

一曰在河北天紀東

主

瓜果絲綿珍寶

漸臺四星

一曰在織女東足

臨水之臺主畧

漏律呂旁五星曰輦道

一曰在漸臺織女東北

人君嬉遊之道

織女

漸臺華道元在天斧下

九坎九星在諸國南主溝渠之事以主

水旱

須女四星賤妾之稱婦職之卑者又為天之府

欽定四庫全書

藏掌環佩帛布列后妃御服婦功之域 其北曰瑤珠

后宮之府藏主天下后妃環佩之飾 敗瓜五星主瓜

果 瓠瓜五星天子之果園亦主瓜果又主后宮陰謀

之事 天津九星一曰天江主四瀆津梁所以度神道

四方也 輦東道四星曰奚仲主車正

元在輦道下

諸國

合十六星趙二星在天田東南越一星在趙南周二星

在羅堰東南齊一星在越東鄭一星在齊東楚一星在

鄭東北秦二星在周之東燕一星在鄭之東南魏一星

在楚東北代二星在秦東晉一星在燕東韓一星在晉

北各主地東甌在晉北亦主其地 瑠瑜天壘城

說見虛宿

天錢

說見危宿

虛二星冢宰官也主北方祭禱祀又主

死喪哭泣亦主風雨 東二星曰司命主刑罰生算死

喪之事 北二星曰司祿主增益年德官祿食料之事

東北二星曰司危主驕溢以正下又主臺榭死喪之

事 又北二星曰司非司過失司命而下皆置官也

壘壁陣

說見室宿

虛南二星曰哭主哭泣死喪 又蓋屋

南二星曰泣主墳墓倚廬哭泣之事

元在蓋
屋下

諸國東

三星曰瑤瑜瑤圭衣瑜玉飾婦人之服 又十三星曰

天壘城主鬼方北夷也

此三者元
在諸國下

壘壁陣其南四星

曰敗臼主敗亡灾咎

舊在羽
林軍下

危三星天府也一曰天市

主宗廟宮室又主營造受藏之事

墳墓四星為附座

主北域死喪哭泣之事北宮真武

虛危東南四星虛

梁主靈廟祀禱之事

天津旁近河七星曰車府近河

車輿之府亦其官為客館舍

南五星曰人星一曰三

卧星主萬民亦主處夜淫佚 又四星曰白上三星曰

杵皆主春軍糧也 危南二星曰盖屋主治屋之官也

又南二星曰泣

說見虛宿

諸國東北十星曰天錢錢帛

所聚軍之府藏也

元在天壘城下

離宮其北六星曰造父主

御馬亦其官也

元在離宮下

營室二星天子之宮也一曰

直宮一曰清廟為軍梁之府又主土工 離宮六星兩

兩而居在室上為附座天子別宮也主假藏休息滋幸

之所 其北六星曰造父

說見危宿

次二十二星曰騰蛇

北方水蟲主風雨 又南六星曰雷電主雷電 西南

二星曰土公吏訣備過失主土之官 又南五星曰霹

靄西南四星曰雲雨

並說見壁宿

壘壁陣西抵虛宿東近

壁宿下天軍營也

元在司非下

羽林軍四十五星在室南三

三而居市在壘壁陣南主天軍翊衛之象 其南四星

曰敗臼

說見虛宿

上一星曰師門主師門候兵天庫之蕃落

斧鉞在師門南主行誅拒難斬伐姦謀 天網一星

主武帳戈綢壁東八星曰八魁主設機穽張羅禽獸之

官也

元在土
公下

東壁三星圖書之官又主土功 其北

十星天廐主馬廐亦具官今之驛遞也 北五星曰王

良

說見
奎宿

南二星曰土公主營造及稼穡起土之官

又東八星曰八魁

說見
室宿

又室南五星曰霹靂主陽氣

大盛擊萬物

西南四星曰雲雨主雲澤

此二者元在
土公吏下

又奎南五星曰鈇鉞乃芟刈之具斬芻以種也

元在
土司

空
下

右北方七宿

奎十六星曰天豕一曰封豕天之庫主兵所以禁暴橫也又主溝瀆其西南大星曰天豕目亦曰大將其上

一星曰附路閣道之便道路

天庥北五星曰王良御

車之事主駕車馬又為天橋主津梁又主風雨兵革之

事

元在天庥下

婁北一星曰軍南門主禁入以防盜詐軍

營之南門也

元在左右更下

奎南七星曰外屏主障蔽惡穢

遮擁天溷

南七星曰天溷溷養之所又南六星曰

天倉

詳見婁宿

次一星曰土司空主水土功利之官又

官五星曰鈇鉞

說見室宿

又東曰天庾

說見婁宿

婁三星為

天獄主牧養犧牲以給郊祀亦為興兵聚眾東西各

五曰左右更左主仁智敗澤林藪小虞之官右主禮儀

牧養為牧師之官

北一星曰軍南門

說見奎宿

北十一

星曰天大將軍用武兵之官中大星將其小星吏左右

星為旗

又天溷南六星曰天倉主藏五谷以待邦用

亦倉官

又鈇鉞東三星曰天庾積谷之所

二者元在天溷鈇鉞

下胃三星天之厨藏主倉庫五穀之府也又主討捕

誅殺之事 北八星曰太陵主陵墓喪死積京也中一

星曰積屍陵中墓也亦曰積京 昴北與大陵分勢九

星曰天船主舟棹水旱之事中一星曰積水候水灾

此元

在彌石下

天阿天陰

說見昴宿

遠胃十三星曰天囷主給御

廩之繁盛百庫之儲蓄

芻藁

說見昴宿

畢柄西星曰

天廩御廩也主蓄九谷養犧牲以給祭祀養膳之事

元在

月星下

昴七星天子再月主西方主獄事又主喪旄頭

胡星也昴畢之間為街 北六星曰卷舌主言語樞機

之事讒佞之候 中一星曰天讒主讒佞及醫巫 東

南四星曰礪石主磨礪鋒刃亦主阿候明兵律蓋百工

之事 天船積水 說見胃宿 昴東一星曰月太陰蟾蜍女

后大臣之衆主刑及死喪事 昴西北一星曰天阿類

天高主察候山林妖變 西南五星曰天陰私潛謀之

事從天子亦為戈獵臣也 此二者元在大陵下 天廩 說見胃宿 又

十六星曰天苑 一曰在昴畢南 養禽獸之所亦其官也 天園

說見畢宿 天苑西六星曰芻蕘以給牛馬之用 元在天園下

畢八星為犂車主戈獵邊兵所以備敵寇 附耳一
星在畢左股下為附座主聽得失伺愆邪察不祥 又
二星曰天街主道路天門之外街為國界陰陽之所分
三光之正道街南為華夏街北為絕塞 南八星曰天
節主郎將奉使也 南九星曰九州之殊口主遠方通
俗傳驛之官 東五星曰五車柱各三星一曰天泉一
曰天林一曰天榆天子車舍五帝座也主產五稼以候
豐儉西大星為天庫神又曰令尉主太白秦雍豆也東

北一星曰天獄神曰風伯主辰星幽燕趙稻也東南六
星曰天倉神曰雨師主歲星徐魯衛麻桑也東南星曰
司空神主填星主荆楚黍禾也西南星曰卿神曰豐隆
主熒惑韓魏麥也車中五星曰天潢又曰潢天池也
主河梁津渡之事北三星曰咸池魚圃主陂澤池沼
魚鱉鳧鴈之事五車南六星曰諸王主宗廟所以蕃
屏王室審察諸侯又南四星曰天高主望八方雲氣
觀臺之象參西北九星曰參旗天子之兵旗所以尊

君之進退也 又南九星曰九箬一曰天旗天號也司

弓弩變候之候以減不虞 背北一星曰天闕日月之

行為天門主關閉防道路之事 此元在背下 又天苑之南

九星曰天園圓也掌蔬菜之官 元在天苑下 觜三星三軍

之候行軍之府藏主褒旅收斂萬物 天闕 說見畢宿 井

西四星曰司怪主諸灾變而候祥異 元在天苑下 車東九

星曰座旗主旗表尊卑 元在五諸侯下 參十星一曰參伐一曰

大辰又曰天市又曰鈇鉞又曰天獄主殺伐權衡所以

平理又主邊城九譯參為白獸之體中橫列三星三將也其肩東北左肩西北右肩為左右將足左為後將軍右為偏將軍故占參以應七將中三小星曰伐天之部御也主戎狄之國右足旁四星曰玉井主水泉給尉用也又南四星曰軍井營之井給師徒也南二星曰屏以蔽天厠屏東四星曰天厠主圓溷疾病之事南一星曰天屎主糞穢大人子孫

並說見井宿

右西方七宿

井八星天之南門為亭侯之所黃道之所經三光之正道主水衡法令中平之事 鉞一星附井前為附座主

伺候奢淫而斬之南四星曰水府水官也主隄防溝瀆

之事 又南四星曰四瀆江河淮濟之精西司怪

說見
觜宿

東北五星曰五諸侯一曰帝師二曰帝友三曰三公四

曰博士五曰大史決斷疑獄戒不虞理陰陽察得失

座旗

說見
觜宿

井東三星曰天樽樽器也主盛饘粥以給貧

餒 又東四星曰水位主水衡 北三星曰北河與南

河夾東井為南北孤戌亦曰陰門 又曰胡門為除戶

北戌自首陽臺而北負微垣而東抵歲貆鮮以為北紀

為陰國自戌北主攻伐之政 北一星曰積水供酒用

之官也所以給酒食政 東南一星曰積薪主外廚烹

飪之事 東北四星曰燿

說光
鬼宿

南三星曰南河與北

河為相戌南河為戌也 一曰陽門 一曰鉞自弘農函谷

絕江漢南達五嶺循障而東西抵越雋東甌兩戌之間

得山河分陝之限是為帝闕七曜之常道亦為天街南

紀為陽國主禮樂之政 西南二星曰闕丘兩觀也所

以布象緯列尊卑也 軍市十三星在邱西如天錢天

軍貿易之市也市中一星曰野鷄精主之變怪野外之

郊政以虞伏奸也 東南九星曰弧矢外矢弓也一星

矢也常屬天狗狼星陰謀備盜賊 又東南曰天社

說見

鬼宿 又參東南一星曰狼為野將主盜賊侵掠次東北

曰天狗

說見鬼宿

天稷

說見星宿

西南一星曰老人主壽考常

以二分候之春夕沒于丁秋晨見于丙又曰南極者非

樞極蓋其所屬在于極南近北 天屎南二星曰大人

主壽考哀孤獨人之象 東二星曰子主孝愛侍 又

東二星曰孫占如子

以上三者元在天屎下

鬼四星主觀明察

奸天目也中一星曰積尸又曰鉄鎖主喪門祀誅斬鬼

東南星主積馬東北星積兵西南星積布絹西北星積

金玉 井東北四星曰耀主四時變入烽燧之官也

元在

積薪下

又弧矢東南六星曰天社土地之主社神也勾

龍之精上為此星又主禱祀之官

元在弧矢下

次狼東北

七星曰天狗主守禦吠則應之

元在狼下

柳南六星曰外

厨天子之外厨主烹宰以給宗廟

又東南一星曰天

紀主知禽獸齒醫獸也

此二者在柳星下

柳八星亦曰天相

又為鳥啄又為天庫天之厨官主庖厨烹祀燕飲之事

亦主雷雨土功

外厨天紀

並說見鬼宿

軒轅右角太民

西南三星曰酒旗主饗宴酒食之事亦為酒官之旗幟

也

元在右角下

星七星天都也為朱雀頭文明之紵羽儀

之所主衣裳文繡又主急兵盜賊又北十七星軒轅

一曰東陵一曰權主雷雨之神黃帝之神黃龍之體后

宮之像后妃之宮主內政以弼太微其南大星少后也

南小星女御也左一星少民少后之宗右一星太民太

后之宗次北一星夫人也屏也上將也北一星妃也次

將也餘皆次妃之屬軒轅為權太微為衡南宮朱雀權

衡也

酒旗

說見柳宿

長垣少微

說見太垣

東三星曰天相

大臣之象亦御府官也 中台東南曰平星執法平罪

之官也

元在中台下

中社東南五星曰天稷之神也又曰農

正

元在天狗下

張六星主朝服之制又曰六星主珍寶宗

廟服用及衣服飲食賞賚之事中四星又主輔臣也

張南十四星曰天廟主祭祀天子之廟

東甌

說見翼宿

三台太尊

並說見太微垣

翼二十二星天之樂府亦主遠方

賓客淮海之賓

明堂靈臺

並說見太微垣

次天廟東南五

星曰東甌南越蠻夷之星也

元在天廟下

軫四星輔相之臣

也軫主車騎又主任載及風雨死喪之事出入皆占之

左右轄二星左轄為同姓右轄為異姓主侯王長沙

一星在于軫中長沙主壽命 東七星曰青丘南方蠻
夷之國 西二星曰天門天子之軍門也 南四星曰
土司空主界域人民之事 其直南三十二星曰器府
樂府也

靈臺秘苑卷二

欽定四庫全書

靈臺秘苑卷三

北周 庾季才 原撰

宋 王安禮等 重修

十二分野

二十八宿天之列舍象分於其間猶有九州分布列舍衆星分布於其間如地有九州而萬物居其內故古者以列舍紀天之度而國別為十二次乃氣接於其間典籍所載又時見於書而初未於某宿之某度應其野之

某州皆不詳者周禮則九國土皆有分星而不列宿次之文其地所載又復不一班固始備載十二次於篇說者曰光祿劉向之言也以配十二分野而後世用焉考天官之學傳自巫咸石申班固費直蔡邕李淳風一行其說皆不同一行作大衍厯考古以十道州郡配以參之然斗牛之分主吳越星辰西南之星而配在周邦綿亘萬里至兗州皆鄭分而桐栢正在禹貢之豫州為宋分而淮泗又在書之揚州占之而應驗如有深義大抵

古今事殊州郡數易九分之中故以角亢鄭分為首焉
壽星之次

角亢壽星之次初軫十二度外末氐四度內于分在鄭
于辰在辰于野為兗州自原武管城渡河濟之南東至
封丘陳留盡陳蔡汝南之地逾淮源至于弋陽西涉南
陽至于桐栢東北抵嵩山之陽東涉壽星之次當雒邑
衆山之東次南直潁之間太昊之墟為亢分南抵淮氣
連鶉尾在周之東陽並無角分今乃開封陳留封丘以

內大河以南並潁陳蔡光黃壽州之西界皆鄭分也

木火之次

氐房心大火之次初氐四度末尾九度內于分為宋于辰在卯于野為豫自雍丘而東循濟陰分于齊魯右四水達于呂梁東南抵淮西接太昊之墟自商亳負北河為心分自豐沛以直河南為房分故其下流皆為尾分同占西接陳鄭為氐分今開封之東亳壽之東界徐濟曹單皆宋分

折木之次

尾箕折木之次初尾九度外末斗十一度內于分爲燕
于辰在寅于野爲幽自漢渤海九河之北皆折木之次
尾星得雲漢之末派海物龜魚係焉故當九河之下流
濱爲渤海碣皆北絕之所窮與南相近故其分自遼水
之陽盡朝鮮三韓之地在吳越之東北平廣信安乾永
靜保定順安保雄莫霸大遼之東偏與高麗皆燕分也

星紀之次

南斗牽牛星紀之次初斗十一度外末女七度內于分
為吳越于辰在丑于野在揚自廬江九江負淮水之南
盡臨淮廣陵至于東海又逾南河西濱彭蠡南至南海
南斗在雲漢之下流當淮海之間為吳分牽牛去南河
漸遠故其分野自古豫章達古之會稽南逾嶺徼為越
分島夷蠻貊之人聲教之所不暨其係之分淮南之廬
舒濠和滁其揚楚泰通無為兩浙蘇秀湖常潤明越處
溫衢婺江南之西寧饒信共撫筠袁吉宣歙江池廣信

南康興國臨江建昌福建漳泉福湖興化南循梅嶺廣
東梧桐惠雷海南瓊丹萬皆吳越也

玄枵之次

須女虛危玄枵之次初女七度外末危十六度內于分
為齊于辰在子于野為青漢濟北郡東逾濟水涉平陰
至于山翟循岱嶽衆山之陰東南及高密東盡萊夷之
北復盡九河故道之南濱于碣石今登萊濟陰濱棣德
博皆齊分

姬訾之次

營星東壁姬訾之次初危十六度外末奎四度內于分
為衛于辰在亥於野為并自玉屋太行東盡黃河內之
地北鄴東及館陶聊城盡漢東郡域今開封之白馬及
大名衛濮曹皆衛之分

降婁之次

奎婁降婁之次初奎四度外末胃六度內于分為魯於
辰在戌於野為徐自蛇丘南屆鉅野東達梁父循岱岳

之陽以負東海又濱泗水之東又東南抵淮並淮水而東盡徐夷之地奎為大澤在嶽訾之下流其地直距東陽濱於淮泗東北負山為婁胃之墟乃中國膏腴之地百谷之所阜也胃星得牧愚之氣與翼之地土同占今兗沂淮海泗陽利國故皆為曹

大梁之次

胃昴畢大梁之次初胃六度外末畢十一度內於分為趙於辰在酉於野為冀自古魏郡濁漳東及清河信北

及中山真定又北衆山盡代郡鴈門雲中定襄之地北
紀之東陽表裏山河以蕃屏中國為畢星之分循河之
西盡塞垣皆古旄頭之國為昴之分冀北之土馬牧之
蕃庶故天苑之象存焉皆趙之分

實沈之次

觜觿參伐實沈之次初畢十一度外末井十度內於分
為晉於辰在申於野為益自太行以西盡河西之地其
地上直天關其南曲之陰在晉地衆山之陽在秦地衆

山之陰陰陽之氣昇故與井星同象參伐戎索為武政
故當河東盡大夏之墟上黨次居下流與魏相接為臂
分今太原河中晉絳解澤遼忻隰嵐石大同武勝火山
保德大遼之西偏夏國之東皆為晉之分

鷄首之次

東井與鬼鷄首之次初井十五度外末柳八度內於分
為秦於辰在未於野為雍自漢之三輔及北地上郡安
定西自隴抵自河盡巴蜀漢中之地乃西南夷犍為越

舊益州郡極南河之表東至牂牁東并居兩界之陰正當雒之西北鬼居兩界之陽故漢中東盡華陽與鷄東相接當雒之東南鷄首之外雲漢潛流而未達故狼星分野在河江上原之西今陝西之永興鳳翔隴并丹同華耀延鄜環慶涇成階岷及四川之成都興元嘉瀘涪黔合夔萬龍文興利巴閬雲井大寧及西夏之西盡四川之西盡西南夷之地雲滇南皆秦分

鷄火之次

柳七星張鶉火之次初柳八度外末張十六度內于分
為周於辰在午於野為三河周分自河之南西及函關
逾南紀達武當漢水之陰盡弘農郡柳在興鬼之東又
接漢原故當商雒之陽接南河上流七星上係軒轅得
土行之正故為河東之分張直河南許汝裕鄧光陝信
陽新鄭皆周分也

鶉尾之次

翼軫鶉尾之次初張十六度外末軫十二度內於分為

楚於辰在巳於野為荊自房陵白帝而東盡漢之南郡
江夏南達廬江南諸郡濱彭蠡之西又逾南盡鬱林合
浦翼星與味張同象故當南河之北皆在天關之外故
當南河之南軫中一星長沙逾嶺徼而西南皆東甌青
丘之野今襄陽蕲黃澧潭岳鄂辰沅柳道柳連歸峽柳
象融潯貴賓欽廉洞夷絡絡皆楚分也

天干地支

乙為東夷甲為齊南丙楚丁江淮海岱戊為中州及韓

魏己方西夷之國庚為秦辛為華山壬為幽燕癸為恒
山以北子為周丑為翟魏亦為遼東寅為楚卯為鄭辰
為晉卯鄆趙地巳為衛午為秦未為中山梁宋申為齊
及晉魏酉為魯戌為楚及吳越亥為燕歲月日時灾祥
應地皆同係焉

土圭影

九州之大必有所中前古法制無聞惟周禮大司徒以
土圭之法測土深淺正日景以求地中日南則景短多

暑日北則景長多寒日東則景夕多風日西則景朝多
陰日之景尺有五寸謂之地中四時之所交風雨之所
會也陰陽之所和也然則萬物阜安建王國焉匠人建
國水地以平四直繫繩以景為規識日出之景與日入
之景畫考日中之景夜考中星以正朝夕梁祖景爍錯
綜經法先驗昏旦定刻漏乃立儀表於准平之地名曰
南表中更立一表於南表景末名曰中表夜依中表以
望北樞樞而立北表令參相直皆以繩準定若表直者

乃立表之地即當子午之正每看中表以知所偏中表在東則立表之處在地中之東其西亦如之取三表相直者為地中之正又於二分之一日候日始東方半體見時乃立表於中表之東名曰東表待日入西方半體乃立表於中表之西名曰西表皆令中表與日叅直東西二表朝夕皆要與日相直若三表影直即是南北之中也若中表差南則直表處在卯酉之南差北則卯酉之北進退南北求三表直東西則地居卯酉之中正也測

景一寸即地之一千里也影尺有五寸者南戴日下萬
五千里也以潁川之陽城為地之中所謂土圭之表尺
有五寸立八尺之表夏至影適與土圭等謂之地中漢
儒日入表盡測影冬至長一丈且三尺一寸四分夏至
一尺五寸八分春秋二分著七尺三寸六分始著於書
而餘氣並未有論

靈臺秘苑卷三

欽定四庫全書

靈臺秘苑卷四

北周 庾季才 原撰

宋 王安禮等 重修

氣

帝王氣

帝王氣氣內赤外黃或赤雲如龍若有遊幸處其地先見此雲霧或如城門隱或如千石倉皆常帶殺氣森森然如華蓋或加五色多在晨昏見則如山鎮或如

高樓 又如青衣人垂手在日西 又如龜鳳大人有
五色 又營上氣如龍馬 或雜色鬱鬱冲天其氣多
上達於天以旺相日見

猛將氣

猛將氣凡用兵皆占其氣 兩軍相當氣發其上如龍
如虎在殺氣中將欲行動亦先發此氣若無行動亦有
暴兵動 或白如粉沸 或如火煙 或如火光狀夜
照人 或白而赤氣繞之 或如山林竹木 或紫黑

氣如城門上樓 或上黑下赤狀如旌旗 又如張弩
或如塵埃頭銳而卑後大而高 又如囤倉正白見愈
明 或青白如膏將勇大戰 前白後青而膏將弱士
勇 前大後小將怯不明又黑氣中赤氣在前者將悍
勇不可當若青疎散者將怯弱 或氣發漸變如作山
形者其謀深 又如蛟蛇向人其將勇不可當 若上
我軍上戰必大勝 凡氣上與天連軍中有名將

軍勝氣

軍勝氣 凡兩軍相當營之上雲如三足布帛前廣後
大軍行氣也 或如索牛或如鬪鷄赤白相隨在軍中
或如日月而赤氣繞之如日月暈狀 若雲或氣又
在中天及軍上常有此氣不變 或如華蓋如飛鳥去
如旌旗如搶向人 如馬頭低尾仰如狗 如山引索
如陣前鈴或一或三四黑色有陰謀青色兵有反赤
飢黃急 赤氣如堤如坂前後摩地或如山堤如林木
如大蓋如布疋如旌旗如粉沸樓臺 赤氣或氣如覆

舟或發黃氣或赤黃上達於天或五色上與天連 其
氣上小下大如杵臼如堤如覆舟 前赤後白氣鈴色
黃白團而澤或黃白重厚潤澤如埃塵 前下後高或
如乳虎豹伏如飛鳥徘徊其上或來而高者應有黑氣
出上有赤氣臨我軍上敵強我弱弱能破強小能擊大
大戰勝小戰不勝 望四方有氣如赤烏在烏人在赤
氣中如杵在烏雲中如人牛伍如旌旗在烏雲中有赤
氣在前者 凡雲氣似虎在敵上若有此氣將卒精悍

不可攻戰若在我軍急擊大勝或如人持金或如蛇舉
首皆向敵或如塵埃粉沸其色黃白如旌旗無風颺而
揮向敵我軍大勝

軍敗氣

軍敗氣 凡氣上黃下白名喜氣所臨之軍欲求和退
若氣在地求退在北其衆死散向東則不可信則為害
向南將死 敵上氣囚廢枯散或如馬肝或如死灰或
類偃魚乍見乍沒乍聚乍散如霧起上天下小士卒自

滅 或十日無氣發其上或赤白氣乍出即滅外聲欲
戰其實欲退 黑氣如壞山墮軍上名營頭或如牛馬
從霧氣中漸入軍名天狗下倉人血或如樓臺中有黑
雲如牛如猪如羣猪在氣中欲發氣連夜照入軍士散
亂出而乍絕欲敗漸進者走一絕一敗三絕三敗在東
發白氣者穴深 氣如雙蛇或守日氣如粉如塵勃如
烟或五色雜亂或東西南北不定 或蒼氣須臾散如
羣鳥亂飛或如乘衣如人相逐紛如轉蓬如揚灰如捲

蓊如足死城降城上有雲如人頭赤色下多流血 或
赤氣如飛鳥如敗軍及無雲氣或赤黑氣若狸雜斑及
正赤或氣上赤而下白或氣聚如樓出見如灰氣而北
城可克其氣出復入城中人散逃亡其氣東城可攻其
氣西城可降其氣出而復其軍必病氣出而高無所止
上日月久長有從城入兵欲盜攻 又攻城黑雲臨城
者積兵固險之象有白氣如蛇來指敵可急攻小勝白
氣從其來指或營宜急固守白氣來繞城而入攻者隨

所急攻之小遲緩則失之從其城來入我營者宜急固
守 攻城日色無光為日死若雨濛霧風至兵勝如雄
雉臨城其下必有降者 濛氣圍城而入城者外兵勝
圍城而有蛟形頭向內降城可攻 有屈虹從外入
城中三日內城可屠 重暈而白虹貫日圍城客勝

伏兵氣

伏兵氣 凡軍上有氣渾圓長而黑也有赤氣在其中
或烏氣後有白氣或如山岳在外並為伏兵 白氣粉

沸起如樓臺其兵有伏萬人者 氣紛綿相絞或如蒿
草蓬轉乃車騎為伏 又如布席及似蒿草乃步兵為
伏 如幢節在烏雲中或如鳥人在赤雲中黑氣帶赤
在營南賊逃我後有伏兵謹候視之覆之無餘 兩軍
相當赤氣所在處其下有伏兵

暴兵氣

暴兵氣如瓜蔓連結步隊相逐須臾罷而復出來而不
斷如仙人衣千萬連結步隊相逐須臾罷而復起如是

八九者常有千里兵來 黑雲從敵上來之我軍上者
欲襲我也敵人告發宜散不宜戰天色蒼茫而有此氣
依日支干數內無風雨則所發之方必有暴兵日尅時
則凶時尅日自消散此氣所發之方當有使人有如亂
攘 兩軍相去十里以內三里以外望軍上氣前白後
青散雲如覆船車蓋如人頭或蓋頭蒙蔽晝暝暮昏飯
不及熟兵須急出如鷄兔如人卧如敗軍如擊牛如死
蛇飛鳥決如堤垣如壞屋如人相指如人無頭如驚鹿

相逐如兩鷄相向皆為敗氣也 氣炎炎降於天赤氣
隨天流下入軍亂將死 凡降人之氣十五又手低頭
又如人又手相向又如羣鳥趨入屯營連結百餘里不
絕而徘徊須臾不見如黑衣以黃為緣氣青而高漸黑
者將欲死 敗軍之氣如燔生草烟前雖銳後必退
黑氣臨營或聚或散如鳥將宿敵人畏我心不定終必
逃遁逼之大勝若在我軍宜善撫士卒 軍上凡白虹
或蜺見或入營或見日傍犯如道之直或屈皆為敗氣

城勝氣

城勝氣青氣臨城有雨喜塵黃則尤甚 凡青雲白氣
從城中南北起或黃氣東出白氣從中出青氣北入反
還回我甲乙日平旦有白雲丙丁日有烏雲餘皆然
或白氣如旌旗若赤界或有雲分為雙彗狀或氣不見
於外或青氣如牛觸入或城上氣出無極如烟火或如
雙蛇或後高前卑不及皆可攻 凡攻城有諸氣城中
出入吉軍上者有敵家氣也 濛氣繞城不入者外兵

不得入若過句雷雨速去之勿攻 日暈白虹貫日及
氣前高後卑其城可攻拔 城上氣出外如大烟者人
將散出戰 日暈有青赤氣從中起四出者圍城中勝
赤氣出如杵向外或中有雲青色如星暈精皆為內
兵突出

屠城氣

屠城氣赤氣在城上黃氣四面繞之城中大將來告急
氣一條則一使氣散滿一方則有衆來依日支干數內

有風雨則止 四方清淨獨有赤雲赫然及壬子日候
四方無雲獨見赤雲如旌旗其下有兵若遍四方有大
兵起 若四望無雲獨有黑雲極天兵大起半天者兵
半起名曰天溝三日內有雨則解 若敵欲來時其氣
上有雲下有霧零中天而下敵人必至 如旌旗如行
人如虎文或如人持刀盾如人赤色所臨之處有卒兵
至 驚佈雲疾如赤雲似人持節兵來未息 白虹出
長畫雲如方虹或如赤虹或如人形皆為暴兵 赤雲

如火所向兵至 白雲如疋布絰丑未天下兵及赤氣
尤甚 白氣廣六尺東西一亘大兵火起青者有喪
白雲氣如帶如道路有暴兵 雲氣如蠻人列陣天下
兵起 雲氣如虎豹三五相聚國兵起

戰陣氣

戰陣氣青白如脂膏如人無頭如死人卧如舟蛇赤氣
隨之如畊隴四望無雲獨有赤雲如狗入營或如立蛇
或如覆舟其下大戰 初出軍日天氣昏漠雲氣陰沉

寒克者必戰天氣清朗溫和風塵不動者不見敵無戰
有青氣見軍之王相上者當城交戰不見者不戰

赤氣如傘蓋覆軍上當有戰千里內吉外則憂 赤氣
屈旋停住或白氣如車入北斗轉移者下有血流將死
日暈有白氣若虹交見者從上擊下勝無暈而見兩軍
相當必戰白虹五四六十一者占亦如之 日傍有缺
萬人死於其下

圖謀氣

圖謀氣白氣羣行或如羣羊徘徊結陣來者敵使來有
謀隨其所往擊之勝可得日月濛濛無光士卒內亂及
內兵發將軍循法度察有功止嚴刑而同奸人謀議
天氣陰沉不雨晝不見日夜不見星二日以上將軍慎
左右察敵使陰沉五日至七日以上奪其權又謀殺事
陰沉十日不見日月亂風四起欲雨不雨名曰濛臣有
謀陰沉日月俱無光不見日月星如雲障之不雨君臣
相謀晝暝夜昏臣有謀夜暝晝昏君有謀 星氣如幢

出如營中上黑下黃敵欲求戰而有深謀九日之內必
覺宜備之 黑氣如車轉行敵有謀亂臣與外人私通
也 黑氣游行中舍五色臨我軍上敵與諸侯合謀必
然自敗

軍中雲氣雜占

凡兩軍相當軍上雲氣高勝低厚勝薄澤勝枯實勝虛
徐勝疾長勝短軍上氣安則軍亦安氣不安則軍亦不
安氣二則軍亦二氣三則軍亦三他同氣散則軍破

凡欲知我軍氣以甲乙及庚子辰戌丑未庚日八月十八日去軍十里高高望之可見依此占之 百人以上皆有氣對敵有雲來甚卑不甚勝陰覆人上掩溝蓋道而來是大敵將至食不待起炊不及熟宜急起備之不可少緩敵在東日出候之在南日中候之在北夜半候之在西日夕候之 赤氣狀如足帛廣長數十丈其下色黃白軍必叛昏見在臣佐夜見在兵 青氣入營兵弱驚赤乃兵暴驚黃則兵和解白則兵強黑則疾病及

兵自相殘宜急移營 如蛟龍所見之處將軍失魄

氣如死人頭在營上敵人有所見且降許之不許必戰
功雖成士卒多死 黑氣如積土在我軍上敵來襲我
我軍堅守經月敵心離離而後戰必大勝 黑氣中行
中含黃氣在吾軍者急舉兵不則士卒懼有逃心罷軍
則吉 白雲如鷄兔臨軍中軍亡死 黃氣臨營西向
若戰並凶北向吉 凡遇四方盛氣所向之戰甲乙青
氣在東方之類 凡旺氣所臨將盛兵強宜防察相氣

所臨者勝死氣所臨疾病饑饉防敗囚氣所臨被圍降
敗休氣所臨兵敗無功士卒亡散 赤氣如火赭其軍
赤氣加西客勝北方客敗東則和解南則兵迴天下安
無兵他亦如之 若對敵在東方白氣東去而又有雲
東來相逆須臾過者若雲已去有風隨之所望龍虎之
狀若在我軍皆大勝雖從而風逆者不可戰 有雲氣
橫來截者兩軍不合鬪急先伏止不則有遁將 凡未
見五色雲氣往東西南北至于子午卯酉百步千步一

丈十丈一尺數百尺如車道長百十丈日辰相剋者大
鬪不相克者其軍憂除 雜出軍師者白雲從後者伺
道而轉之勝 若有赤雲來逆軍者敵軍行有白氣如
虹軍大驚 若赤氣隨日出行軍有憂 隨日後外有
告急者或檄天下召兵不行凶 凡破圍平旦視圍上
有氣鬱鬱如火光芒勢翕翕然者其方有救至無救有
雲有鵠尾被圍三日亡赤雲圍上東西陣國且負 兵
欲戰占賊得本赤氣游行黑氣隨之赤氣滅賊可得若

無黑雲賊不可得

吉凶雲氣

凡雲赤紫色若烟非烟若雲非雲郁郁紛紛蕭索輪囷
是謂慶雲亦曰景雲皆喜氣也太平之應見則國有慶
又曰含五色潤澤和緩見於我城上者為景雲非氣
非烟五色氤氳為慶雲一曰卿雲又五色為慶雲三色
為裔雲內赤外青亦為裔雲視四方常有大雲五色
具而不雨者其下有賢人隱青雲潤澤蔽日在西北

當舉賢良 黑氣大道條至四五正明不見頭尾東西
亘天不過三朔大赦天下 赤氣浸浸血光流血之象
赤氣如火影見者臣叛不過三朔 赤氣如龍蛇在
山頭住又如夜光者臣離其君國不安民流亡也 赤
氣復日如血色大旱民飢千里 氣如牛頭龍虎蛇變
化多疾疫民流亡不宜乳婦夷兵欲侵中國先遣使候
讒言為害 若黑雲為陣南北列者國將有憂或大水
為害 白雲氣極天南北陣者軍憂 黑雲氣東西陣

者主有憂 天氣蒼茫東西極天移日不動為災深此
氣以戊己為災 日入有青氣東西極天干支數內無
風雨不出三年必有大喪 雲如一疋布而行西南當
羣邑者其下君長憂 雲如亂攘大風將至視所從來
避之 雲甚潤而厚大雨將暴至 四始日有黑雲如
陣厚重大者多雨 若霧非霧衣冠不濡見則其城帶
甲而趨 日出沒時有雲橫截之白為喪烏者驚三日
雨者解 有雲如日月暈色赤其下凶青白色有大水

雲如龍行國大水民流亡 雲色赤黃四塞者連夜
照地者大臣縱恣 雲如氣昧濁者賢人去也

候氣

凡候氣之法氣初出時若雲非雲若霧非霧髣髴若可
見初出森然在桑榆之上高五六尺者是千五百里平
視則千里舉目而望則五百里仰望在中天則百里間
也平望桑榆間二千里登高而望下燭地者三千里
凡占災異先推九宮分野六壬日不應陰霧而陰霧異

常驚人耳目經時則占 凡氣在王相色吉休囚死色
凶 凡氣初出似甌上氣勃勃然上昇氣積為霧霧積
而陰陰氣結為虹蜺暈珥之屬 凡氣不積不結散漫
一方不能為灾必須和雜森森然起方可論占候 氣
常以平旦下晡日出沒時氣處一見之如占期內有風
雨久陰則不成故氣以散之陰以諫之雨以厭之 雲
者山川之氣古今占候故以雲氣為一類焉

霧

霧者衆邪之氣陰來冒陽奸人有謀擅權立威在天為
濛在地為霧日月不見為濛前後不見為霧衆志氣也
晝霧夜明臣志得伸 夜霧晝明臣志不伸 從夜
半至日中不解君不慎臣行奸 過日中以内臣強無
所避 蒙日者邪臣欺君當明政令察邪佞審取舍則
可救 終日終時君憂 色黃小雨白為兵喪青疾病
黑為水災赤有兵喪旱黃土工興或大風 凡霧不順
四時逆風交錯微風小雨為陰陽氣亂之象 從寅至

辰以上周而復始為逆者不成 積日不解晝夜皆暗
天下欲分離凡霧四合有虹各見其方隨時色為吉非
時之色為凶 凡霧氣若晝夜其色青黃更相掩覆乍
合乍散臣有逆不成 凡霧氣四方俱暗百步不見人
名曰晝昏國不昌成大凶 凡天地昏濛下塵土十日
五日以上或一日時雨不沾衣而有土名曰霾故曰天
地霾君臣乖不大旱外人來 山中冬霧十日不解欲
崩之象 凡游氣蔽天日月失色皆風雨之候若天氣

清淨無游氣日月不明方為失色天氣下降地氣未升
厚其日赤若於夜則月白皆將雨也 或天氣未降地
氣已升厚則日黃薄則日白若於夜則赤月將暈且風
亦為日月暈之候雨少而多陰 或天氣已降地氣又
升上下未交則色碧於夜則月色綠將寒候也或天地
雜氣交而未密則日黑在夜則月青將雨不雨變為雲
霧皆為虹蜺之象

虹蜺占

凡陰陽之氣和則為雨露怒則為風雷散則為虹蜺雄
曰虹雌曰蜺雙出也鮮盛者為虹暗者為蜺又曰虹者
攻也陰攻陰也蜺者嚙也夫氣傷害於物如有所嚙也
一曰填星之氣散為虹蜺又曰斗之亂精斗失度則為
之一曰極星散而為之蓋陰陽不和交錯之氣也參也
三日內風雨則無咎 凡虹蜺直指者隨所指擊之勝
若似日月暈有破軍先退者 若下宮殿園池井屋
不出一年其下軍喪政亂 若數見后當勝 凡虹直

冲天或橫截於天左右不見日月者為風雨氣 虹直而不冲日月或對日月並為風雨之候不為咎 凡虹穿過日月依四時之色吉不依時色為灾 虹首尾至地流血曲虹夜穿星多雨水谷不成 虹如暈大水雨虹夾日月黑白為兵喪青黃為瑞 白虹者百殃之本衆亂之箕若出其下流血或藏中有兵若暮出大山畫霧白虹君有憂夜霧白虹臣有憂 夜穿星有陰謀 四五六並見者有大戰 貫日月秋為雨水餘為兵

喪 赤虹如杵其下君長凶萬人死若攻城有虹自城外入飲城中水者從外順虹攻之勝 又曰攻城而白虹繞之不合從其缺處攻之勝 若從井中或飲井水兵起國憂若出地中其地大飢 若出紫微宮太微文昌其分有謀兵起國憂 日赤黑而虹貫之君憂 若入人家妊婦多憂 若出四方有雲覆之以其色占春秋青黑大水多寒赤則大旱白則大風多疾其應在夏黃則小旱五谷丰收冬夏赤則多寒民病黑則多水應

在秋黃則豐 四時見南方不過三年民流見北方陰
陽不調風雨不時當旱反雨 立秋後見西方禾不收
秋糴貴 十月出東方或出東北方其色淡出西方物
貴出南方歲飢 秋冬東西方色白天下小口傷 若
城上有黃虹城中喜黑凶赤白城陷大戰流血 五虹
俱出兵起連年 青赤白黑及屈虹為五虹入城其城
可屠 屈虹在日傍有流血二虹屈冬出大戰亡城破
軍死將 虹彎曲名絳者軒轅之精見多避於日忽夜

見皆為風雨氣又曰陽日見旱陰日見雨冬見為陰失
常來年多滂 虹有四項白虹貫之后妃有謀 在日
上者近臣為亂 圍日者后妃失德或九重者天下亂
虹蜺見五日內有大風雨失散

靈臺秘苑卷四

欽定四庫全書

子部

靈臺秘苑卷

五至八

詳校官中書_臣李采

靈臺郎_臣倪廷梅覆勘

總校官編修_臣王燕緒

校對官教習_臣倪廷梅

謄錄監生_臣程世英


欽定四庫全書

靈臺秘苑卷五

北周

庾季才 原撰

王安禮等 重修



序略

夫風者所以鼓動萬物焉天之號令在卦為巽五行為木二十八宿屬箕祥風應則和悅咎風應則慘惡吉凶之占皆可以占前世風角自為一家有二說先儒以風

從四方四方隅來故謂之角世傳以巽為風於五行在木在八音為角學者宜叅之

凡候風必辨之於日辰八卦四維形德音聲六情之列發止來向迴後方所時刻之殊早晚遲速上下高卑之異其法於高迥平坦之地立五丈竿象五音竿首繫鷄羽八兩夾以繩長四尺許以象八風使風至則鼓動而四轉因得而占之古法於巽方立三丈五尺之竿繫羽五兩吹平則占亦可於竿首作盤盤上作三足鳥兩足

向連上而外立一足係下而內轉回首向鳥一啣花旋
即占之鷄羽取其屬巽有號令之象鷄有知時之効羽
以其可吹而動不必拘五八之數但輕則易舉皆可臨
事理而度之用鳥象日中之精鳥乃巢居而知風巢居
者風動而先翔或急疾立旗於平地以占候唯鷄羽得
本術凡風之類清和明淨天氣溫涼塵埃不起人馬歡
悅為祥也瑞也景風也和風也若人君德政平和聖治
寬舒則春無凄風夏無苦雨若天氣陰昧昏濁寒克塵

埃蓬勃為灾為霾也其勢紛錯交橫乍起乍止深藏難測其聲刮耳者為不人颼風若進小人疎君子任不材則其風暴起南北不定離合紛埃此名上下不寧風也其勢冥冥白日沉沉黃霧充塞夫陰陽翳精為政化未明風其聲啾啾令人慘切為大喪風炎如火奔乍起乍止為大旱風發屋折木者為怒風揚沙走石者為猛風乍起而卒無者為迅風逐塵埃蓬勃者為勃風扶搖羊角者為飄風

凡推風之遠近觀其勢力初遲後疾者其來遠初急後
緩者其來近若動葉為十里鳴條百里搖枝二百里傷
枝三百里折小枝四百里折大枝五百里飛沙走石一
千里折大木一千五百里以日時則半日半夜不止五
百里一日一夜不止一千里三日三夜不止三千里七
日七夜不止遍天下 凡占咎一日一夜事及二千里
四日兩夜事及三千里六時以上事及一千里三時以
上事及二百里二時以上事及百里其勢蓬勃乍起乍

止緩急無常事及二百里即時雷雨者不占以音占五音者宮風近十里中百里遠千里商風近九里中九十里遠九百里角風近八里中八十里遠八百里徵風近七里中七十里遠七百里羽風近六里中六十里遠六百里天下有多風處若近川澤水濱異常則占近風大以發出時即占

八卦八風

八節各有王相於本卦上來者為王風其冲處為逆風

以時至則陰陽變化政令寬明是謂仁風循度聖人在
位則風應時而至以為瑞慶王者當順八風而行八政
立春東北艮卦用事赦小罪出稽留則其卦氣至而
條風應若從冲來則為逆兵起其日天氣黑冥少雲則
歲喜而熟陰則旱蟲傷禾頭風從乾來暴霜殺物粟貴
坎來冬天寒北夷侵掠艮來歲豐谷收震來風洩物不
成巽來多風足蟲為害離來旱傷物坤來多風六月水
人多愁土功興兌來兵起霜早為戾 春分之節正東

震卦用事正封疆修田疇則卦氣應明庶風至從冲上
來則為逆上者起防左右省刑罰昏寒者凶其日東方
有青雲歲熟若清明則物不成從乾來歲多寒金鉄貴
坎來飢疫菽豈不成艮來夏不熟米貴一倍震來五穀
成而歲康矣巽來蟲生四月多暴離來五月先水後旱
坤來人瘧疫兌來多風春風有兵八月國憂 立夏之
節東南方巽卦用事出幣帛使諸侯省刑罰決小罪挺
重囚出繫斷獄則卦氣應清明風至從冲來為逆小凶

其日南方有赤雲若歲豐若晴明則旱風從乾來其年
早霜麥不熟坎來多雨魚行人道艮來崩地震疫震來
雷動非時擊物巽來年豐離來夏旱坤來人多不寧萬
物大傷兌來蝗蟲大動 夏至之節正南離卦用事爵
有功錄有德贊俊傑遂賢良則卦氣應景風至從冲來
為逆臣子為亂南方有赤雲則歲豐無則旱風從乾來
寒傷萬物坎來四時不節夏多寒艮來山水暴漲震來
人多疫巽來九月風霜落物離來五穀成熟坤來六月

雨橫流兌來秋多雨 立秋之節西南坤卦用事專任
有功以伐不義誅暴慢明善惡則卦氣應涼風至從冲上
來為逆其日若有白雲及小雨則吉晴明不成乾來苦
寒多雨坎來多霜而冬又多寒雪艮來秋風不和震來
秋多雨電人不榮田廢生菜巽來卒兵內起離來旱而
兵戒不利坤來五穀成熟兌來兵起將行 秋分之節
正西兌卦用事嚴刑察飭倉廩誅殺得當罪無寬滯則
卦氣應閭闔風至如從冲上來為逆帶甲兵入市其日

四方有白氣則年歲熟晴明則物不成風從乾方來人多相掠坎來多大寒艮來十二月內必多露震來大疫木再菜花不實巽來十月多風離來兵動國不安坤來土功大作兌來歲必豐登 立冬之節西北方乾卦用事恤孤寡察阿黨築城郭修宮室理園林則卦氣應不周風至從冲上來為逆人去其鄉是日晴明小寒人君吉天下咸熙從乾方來王道坎來冬雪殺畜艮來地氣洩人多疫震來人不安居而多雪寒巽來冬溫夏旱離

來五月大疫皆在來年必應坤來水出食物魚鹽倍多
兌來山澤有兵人多妖言 冬至之節正北方坎卦用
事誅有罪斷大刑去聲色禁嗜慾安刑獄休甲兵不興
事以待陰陽之定則其卦氣應廣莫風至矣從冲來為
逆人民散其日有雲雪寒則歲豐晴明物不成風從乾
方來強國夏年多寒坎來歲豐民樂艮來正月多露震
來雷不發大雨連行巽來蟲傷生物離來冬溫乳婦多
亡水旱不時人多瘟疫坤來蝗蟲傷稼兌來秋雨大兵

起

五行用事內八風

立春水旺內甲寅日候乾為苦甘草坎為菜韭艮為葱
離震為盃器巽為棺木離為巢木坤為芻蕘兌為箔席
立夏火旺內丙寅日候乾為桑給坎為鱸鱖艮為麻
布震為綿紬巽為絲枲離為錦繡坤為綃帛兌為絮

四季土旺內戊寅日候乾為麻坎為小豆艮為大豆震
為大麥巽為禾離為穀坤為黍兌為稷 立秋金旺內

庚寅日候乾為膠漆坎為布帛艮為珠璣震為玉器巽
為鈔錫離為金銀坤為銅鐵兌為田宅 立冬水旺內
壬寅日候乾為豉鹽坎為鷄犬艮為猪豕震為牛馬巽
為海魚離為鯉魚坤為鷹隼兌為羔羊 凡占候皆以
風來處其下物皆賤風之冲處物色皆貴假令立春木
旺甲寅日候風從艮來皆以為葱薤其物賤艮冲坤乃
芻藁貴其他倣此

正朔八風

候風之善惡謹候歲始或謂冬臘臨立春占之一歲一舍陰如發故主者以占四時之始風從乾來小雨兵起坎為大雨滂沱艮則歲豐震大水吳霧露民疫離大旱坤小旱兌兵灾其勢急惡天氣昏濁則占如八方暴風也

八方暴風

風起於八方吹揚沙石謂暴風占其來方三日內則不占乾則大風民飢流多盜疽疫死喪坎則兵盜興

動人病濕癰帶下 艮則水旱歲疫天氣多陰人多病
泄交易形容 震則荒旱多霜人病四肢不能搖動
巽則民多泄痢孕婦不安多暴雨天下多水 離則火
災來年大旱人多暴熱生瘡目盲 坤則兵大動月失
色令人腰脊背肩股皆癰 兌則寇動秋旱多霜又曰
人多瘡與前同候

五音候風

五音者五行之音也亦曰五聲 宮風屬土君之象占

以宮日有風聲隆隆如雷鼓聲如牛吼竄中發屋折木
土功興君不安當有急令上下相疑來年兵起其日有
風從宮上來人君出行泉出地裂商來水泉湧暴風雨
角來蝗蟲生害物微來狼蟲為害土功興羽來大雨陰
寒大臣出 商風屬金臣之象占以商日有風聲如離
羣羊如叩鐘磬如飛鳥之集羽發屋折木主宮宅自相
傷及有鬪兵急令關梁不通其日風從宮來國有憂令
且行將在外兵不戰商來白衣聚關梁塞大將退外敵

來角來喪在國兵且行徵來君令行兵且出羽來大雨
兵在外解 角風屬木民之象占以角日風聲如千人
語閭閻然令人悲哀或啾啾如人叫如千人呼嘯如鷄登
木聲發屋折木不出九日或急鬪戰或有疫其日有風
從宮來貴人疾及土功興商來有暴兵軍令起角來急
兵入城邑徵來憂火綿續貴羽來歲飢 徵風屬火事
之象占以徵日有風如奔馬搖炎火如縛毘聲發屋折
木在三日內火災吏憂自行外有急事妖言入舍其日

風從宮來寺舍有哭泣焰火商來兵急人君出輔相灾
邊兵鬪角來大灾土功起將有大旱火徵來焰火起人
君憂羽來寶物出多震雷有使命 羽風屬水物之象
占以羽日有風如擊濕鼓如激水揚沙發屋折木在五
十日內糴大貴兵起關梁不通城邑固守其日有風從
宮來暴風雨寒氣傷物商來有鬪兵國不安角來邊城
圍不解徵來國兵受命臣民有憂羽來大雨水霜雹灾

六情候風

申子為貪狼亥卯為陰賊寅午為廉貞巳酉為寬大辰
未為奸邪丑戌為公正 北方之情貪水也好行貪狼
申子主之水生於申盛於子其性濁而潤多所好則貪
而無厭故為貪狼其日風從本方來不出七日關梁驚
不則自攻他界若將加奸邪風從陰賊上來有盜傷事
將加貪狼風從貪狼上來有賊欲害人禍起北方從公
正上來有報怨人來揚兵相擊年凶風從奸邪上來惡
人持物風從廉貞上來他人相賂風從寬大上來得禮

相候欲行人則風從陰賊上來家人相牽引不則出行
為禽獸所傷 東方之情怒木也怒行陰賊亥卯主之
木生於亥盛於卯其性受水氣而生貫地而出故為怒
以陰為害故為陰賊其日風從本方來不出七日有陰
賊入界偷營塞風從奸邪上來時加申子有盜賊風從
亥卯上來有賊鬪在部界必傷人風從貪狼上來白刃
相傷風從公正上來外人謀內風從寬大上來告咎行
賊與人風從廉貞上來巢穴事惡人所傷 南方之情

惡火也火行廉貞庚午主之火生於寅盛於午火炎猛
無所容受故為君惡其氣精整故曰廉貞其日風從本
方上來相辨寃事風從寬大上來時加己酉為貴客以
酒宴樂遷官詔命風從奸邪上來妖人為怪婦凌夫風
從公正上來貴人有所相問風從貪狼上來妖人為怪
婦凌夫風從陰賊上來有所克害人 西方之情喜金
也金行寬大己酉主之金生於巳盛於酉金之為物喜
以利刃加萬物故喜為利也刃所加無不寬大風從本

方上來有酒食會喜慶事風從廉貞上來時加巳酉為
貴客賞賜

上方之情樂也樂行奸邪辰未主之上方北與東也陽
氣所萌上故為上方辰窮水也未窮木也木落歸根水
流歸本水窮於辰水窮則無隙不入木窮則旁行故曰
奸邪其日風從本方上來於七日內必有賊及陰人誑
詐虛驚從寬大上來時加辰未有人持酒禮來相疾謀
殺日時皆加奸邪風從公正上來文書詔命盜賊相牽

風從貪狼上來賊人持物逃亡風從寬大上來因酒食
為病風從陰賊上來宿人相攻 下方之情哀也哀行
公正丑戌主之下方南與西也陰氣所萌下故為下方
戌窮火也丑窮金也金剛火強各歸其鄉火刑於午金
刑於酉皆其盛也盛而受刑至窮無所歸故曰哀也火
無私而剛故曰公正其日風從本方上來兩軍相向大
將來降不出七日他兵自敗風從奸邪上來時加寅午
欲告吏人私物時有風從公正上來時加公正吏人相

爭仇人報怨風從陰賊上來下凌上風從貪狠上來亡
失逐蹤風從廉貞上來君喪欲遷風從寬大上來出逢
酒食

天干風

甲日大風海中兵起 乙日粟貴夷兵侵 丙日邊兵
圍急 丁日旱疫 戊己日土工興食貴或遷邑 庚
辛日聲如叫怒者宜備邊 壬癸日飛沙折木北人侵
邊三日有雨可解

十二辰風

子日大風日光沉沉兵起水中 丑日掃地揚沙粟暴

貴 寅日大風赤氣四塞有火災 卯日黃埃冲天大

風起蝗蟲生 辰日大風蟲行 巳日蓬勃無常大旱

午日乍遲乍疾人民不安移堡居集 未日無光影

土工大興 申日聲如磬粟貴盜暴攻 酉日風蕭蕭

濡順大水河漬橫流 戌日塵霧橫天揚埃十里邊兵

四起 亥日搖沙折木賊兵相攻人民不安 參以五

音究其六情推之皆順風勢異常則占

觀風察將

兩軍相當因五音之風以察其將 其聲殷殷如雷如
車如擊鼓名宮風其將寬和而有信 如金石相擊如
鐘聲雜佩和響調名商風其將威猛而好殺 聲肅肅
習習名角風其將仁恕不可欺詐 如奔馬炎火掣裂
為徵風其將猛烈難與爭鋒 若流水揚波激氣相雜
名羽風其將貪暴奸邪

主客勝負風

兩軍相當未明勝負以所占時與來方為主其日納音
為客若時與來方能制納音者主勝反之者客兵勝若
相生者為比和不勝 子午為宮屬土丑未寅申為徵
屬火卯酉為羽屬水而已亥為角屬木 風從乾坎艮
上來先舉為客勝震巽離上來後應為主勝坤上來有
謀不成雨不利兌上來客有伏兵主不設備必大敗

兵勝風

初出軍日風從後來冲霧突雲人雄壯馬嘶逸旌旗如
舉勢指敵方鼓角清而響者全勝 從傍來而向前者
得天人助獲得敵糧 未戰風從地上五音相生位上
來生我者為母翔子我生者為子扶我天色晴明人馬
奔逸士卒懽心風勢和緩者軍勝天氣昏濁風勢寒克
塵土蓬勃者即不利 若敵入境經要害過城壘三日
內有風雷霆從軍上去為龍虎之助天與之共伐戰
必大勝 若安平之時風雲相交即急戰風為主雲為

客若風勢緊大雲容薄小主勝若雲色濃厚勢急風弱不能震怒者客勝

兵負風

初出軍及三日內風勢蓬勃逆來冲我旌旗不舉人聲怯馬不嘶或從後或從旁起吹沙揚塵人馬行過步或無跡此名鬼風或出日或交戰有急風甚雨軍馬不能振者皆為敗軍若天氣昏沉風聲錯亂或久陰不雨下有謀宜設沉機以順天意又日出軍而颼風驟

雨牙旗摧折旗旛繞竿或下垂者交戰將死 若營陣
既成而有暴風卒來相掩軍幕旌旗折林木摧為惡兆
主將失位其軍叛散

攻城風

若敵城相近攻擊未克風從敵來射我軍上而復起數
日者城有強兵欲來襲我我則援兵將至當嚴兵以待
使克當拔城而獲財寶 若軍他境下營纔定有急風
來射我雲勢奔速乍東乍西速防賊兵過掠 若旋風

入營昏塵蔽天千戈帳幕傾倒者急防不虞 或雲氣
旋風從入敵城者從入處攻之勝 角日風從子午上
來時加日中夜半其勢迅急寒克者敵城必陷 若風
從角上來號怒發屋折木者敵兵將至宜避之 若從
亥子上來夜發晝止大寒不解夜所必有敗攻其城寨
凡羽日大風寒克日光沉冥有兵圍城客勝

營寨警急風

城寨相守勝負未決風從歲月日時刑上來者勢遲緩

者宜防賊至必大戰其勢急速乍起乍止當有狂賊逢
小戰 若貪狠奸邪日風從陰賊上來或角商日天氣
昏沉寒克與歲月日時刑相會者急戰止 若兩軍相
守未戰忽有風從賊方來初起塵埃蓬勃及至我軍上
勢低小高索不等不緊者其賊在十里外不為鬪戰

占賊知數風

欲知賊數多少視風所來之門為月期所辰來為道里
以止起時丈千為人數乘王氣十倍相氣五倍休廢如

數囚死減半

敵兵起退風

凡寬大廉貞之日風從巳時上來天氣溫和者敵兵退散四方激上來亦然 寬大受商之日從丑未上來連三日客兵退散 受商之日從酉上來連三日天色晴明大軍欲退 又寬大之日時加寬大巳酉發止即羣賊解散 若寬大日風從巳酉上來夜起晝止者衆賊解兵卒未散反之而天色溫和者士卒皆散陰寒即未

解

吉城風

商日有風發木從陽徵上來連三日城中主軍勝如
有純徵風起於徵日寬大時客軍急敗之象

凶城風

凡軍營久相固守及初下營後擬為攻却未定或有風
偏歷八方周旋不定發屋折木吹塵蔽為八難風亟須
迴避其城可屠其風至則令弱兵先退精兵先進以強

馬向敵作陣擬而迴之 若城內忽有角風強起勢惡
倒戈恐人須嚴備 或旋風入營天氣昏暗吹帛向空
人見之軍不利宜祭天地撫士卒則無咎

伏兵風

若暴風忽起塵埃蔽天堅葉茂條皆落從三刑五墓上
來或起或止前後有伏兵掩人不備 若風勢寒克者
凶清明溫和者止

宮庭旋風

凡宮宅有旋風入者當以五音六情占之用五相休囚
刑德以分憂喜若從德鄉來為喜吉事刑鄉來為憂事
如日辰囚死勝時為凶事若起於寬大乘王相為酒食
賞賜休囚為逸退 若人屋室中揚衣物當憂財物大
驚 又曰西堂為父母東堂為子孫北堂為祖南堂為
孫中堂為隣里垣牆為小口井竈為婦女碓礮為奴婢
馬廐為僕隸門為賓客廳為諸公若從貪狠陰賤奸邪
上來各防其人有謀皆以五音所屬知其姓名以發時

及日辰知其長幼以剛柔知老少以王相知吉凶 諸
旋風起而止前者皆以時音期之角期九日是也 若
從人年墓上來者為疾病墓在木鄉為從高墜下林木
所傷火墓有燒灸血光土墓為瘡癰金鄉為格鬪水鄉
為沉弱 厭亡歲刑上來縣官口舌月刑亭部相召日
刑有鬭爭時刑急速事歲德上來酒食相賞月德上來
喜慶日德時德上來亦然 凡風起坐席君子失言小
人亡財 若十人同行共坐有旋風相冲未知有難有

喜 孟為長仲為仲李為小年廉貞寬大為賓客為善
人公正為吏人貪狠陰賊奸邪為盜人以日辰王相取
尊卑貴賤陽日為男左者同陰日為女右者同 若在
公宇花園廳宅見旋風分明依道不急不惡漸向來者
即賢人至亦使者至詔命喜慶事

道路旋風

凡行道之次遇旋風者當以行年五姓決之若風突人
從廉貞公正寬大上來與人行年本命相生者皆為吉

則必有喜慶酒食相迎從奸邪陰賊貪狠上來與人行
年五音相克者又昏惡蓬勃即災至防人侵謀殺害事
宮日忌爭田宅及移徙人年在火者吉在水者凶商日
忌入山林墜下傷人或失財物角日忌疾病哭泣鬪擊
相傷帶刑者宜自防徵日忌爭訟文書或金鐵之事羽
日切忌沒弱及失衣物等 凡行道遇旋風從南方來
必有酒食事若四面覆人宜急迴避之 旋風兩處之
夾道隨人行者從吉地不大減者無咎從凶地來者凶

凡行坐有風從面上來逆向人者恐有伏匿相謀以時五音刑尅占之忽從後來逐人忽過去者以日之納音刑尅占之以五音六情為本又以清和為吉昏濁者為凶凡傍赴前行或先從傍道上來或橫冲蓬勃過者皆非善也俱以日辰占之

邊夷風

視四季受宮日風從四季上來飛土揚塵發屋折木而天地溫和加子午及五日止於子午當有邊夷入貢寒

克則不至 受商受羽受角之日風從四季上來如當
子午風勢叫怒兼帶刑殺或申子亥卯上來其勢急速
者當有夷兵犯塞其勢寒濁必拔城西四季受角之日
時加子午風勢緊急從四季上來中國將伐四夷之象
風止之處為所伐也止辰伐東夷未伐南夷戌伐西夷
丑伐北夷若風止有雨景色溫和則不為征伐

水火灾風

受羽之日飛從卯酉羽方上來天陰雲潤人心悲慘連

三日者必有暴雨大水驟至又有風肅肅調和潤氣濡物而卯酉之氣乘之則必須臾而雨 若受徵之日大風折木發屋從丑未寅午酉亥來乍遲乍疾時加子午火發宮寺又辰午酉亥時則風從徵方上來亦如之若辰日加辰左部二千石傳舍午日加午燒都廷尉舍酉日加酉燒貴府傳舍亥日加亥燒喪家及牢獄風寒亢逆急燒死人三日內有雨則解

靈臺秘苑卷五

欽定四庫全書

靈臺秘苑卷六

北周 庾季才 原撰

宋 王安禮等 重修

天占

夫天地之道運動不息而覆育萬物者也不失厥中則四序應而寒暑時品物用生故聖人法天道而順至理政有得失則視吉凶之變以告之使其開悟若天忽變色是為異常四夷來侵當有兵起 天裂是謂陽不足

臣民亂而君道失土將分裂 天鳴有聲人主憂驚而
百姓勞怨失厥上 天火自焚是謂火不炎上以其信
道不篤而尚虛偽修宮室無度則厥災見焚燒宗廟若
乃雨血乃天見其殃不肖者不得久處其位其災兵起
若雨肉則為臣不得享當有大變 雨土乃為黃青
乃為土失其性而民勞或不肖者祿 雨雹則為陰脅
陽盛則為雨陰迫陽則轉而為雹若陰盛而成雪陽薄
之乃散而作霰陽脅陰也皆為政有所脅 若雨石為

信不施詐佞興下居上凶 石墜地近尺餘類鷄卵兩
頭銳名天鼓其分大戰而君恡祿信佞所致是謂火失
其性 雨赤草其地民流 雨毛則金失其性邪佞進
而賢人去貴人奔 雨羽則君道不通逆施天下 雨
蝨則骨肉疎而政暴虐 雨魚鱉鳥為兵喪是謂水失
其性雨金鐵是謂刑獄為兵灾 雨錢則其下亂 雨
骨是謂陽雨政令不行兵起交爭 雷發非時主大臣
專政女后擅權 無雲而雨貌之不恭是謂不肅灾禍

並起 無雲而雷名曰天鼓當有暴兵 雨木冰大臣
凶陰氣脅木而雨未降木先寒故木冰雷發不時臣為
亂雨物是水銀此謂水失其性 雨灰者暴政所致
雨五谷軍乏糧民飢賦歛重之所致雨績者麻紵之類
也其分大飢民流亡兵起妄誅殺之所致 茲謂不法
厥灾霜夏殺穀秋殺五谷冬殺麥 誅不仁茲謂不仁
夏先大風雷冬先雨降乃隕霜而生芒角 賢者遭害
則霜附木不至地 佞人依刑茲謂私賊則霜在草根

降霜土隙間 不教而誅謂之虐其霜在草木降霜非
時迫近之象 一曰夏雪臣作亂雨木多風五谷傷而
民危雨粟乃不肖者祿 雨冰水失其性其下大疫降
雨羅其下君長凶雨杵白雨筋並為飢 雨絲綿並為
兵喪 雨蘖君有陰 雨土多陰謀 雨釜人相食物
如小錢許大從地中生如麻黍粟名雨甌歲穰雨膏如
出輔臣貪將帥敗 雨露者物色黃白名曰爵錫不出
三年大凶又曰下當有變 雨物人莫能識者皆為兵

起 天忽晝夜陰晦有陰謀

地占

地本有陰陽而生萬物其形至厚其德亦至靜定而不能動者也若忽震動是謂臣強陽伏而不能出陰之迫而不能入陰有餘也若外戚擅權后妃專政則為變異小人用下有謀及民擾勞則地震並為兵飢 又春動歲不昌夏君憂秋則兵起冬則土功興 若牛馬禽獸奔驚者天子惡之 若動於宗廟宮庭或動不已國有叛

臣讒佞大臣數動誅伐不以理而上下不相親 辰在
亥子或秋行冬令則地裂乃士民分離大臣專恣下叛
上進不肖退賢人 若裂有聲四方不寧大兵起國失
厥土若土忽陷乃專在臣民人離散亦為失地 若地
火然者火為陽精地為陰主若然者越陰之道行陽也
政傷而不克之象臣專忠而終以自害也 地忽生毛
為金失其性人將旁從 山忽崩陷者所以宣氣公輔
之象乃陰乘陽弱勝強崩者離散之象此必賢人去而

佞人進也 山或陟動是謂皇之不極祿去公室賞罰
出於私門矣 若山鳴乃有大亂 若土湧山出即陰
盛下人將起地主失土若好治宮室飾臺榭淫亂而疎
父兄則不成謂土失其性而為灾也

靈臺秘苑卷六